



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

XXI. Nonnullæ controversiæ inter Fratres B. Jo. Dei Congreg. Hispaniæ.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



Preces Superioris Gen.

Concessio præfata facultatis.

Indulgentia in actu Missionis, pro unica vice, & ad septennium.

Publicatio.

Clausulæ.

XXI.

Congregationis, quique una cum Presbyteris ipsius Congregationis ad Missiones proficiscuntur, & aliquando seorsim Missiones huiusmodi magno eum fructu exercent: Nos eorumdem mittere pietatem, & operam, eorumque ad quos illi mittentur religionem, & devotionem spiritualibus gratis confovere, atque augere cupientes prædicti Edmundi superioris Generalis precibus Nobis super hoc humiliter porrectis inclinati, præfatis Presbyteris dictæ Congregationis, nec non aliis Presbyteris in Civitate Parisien. eidem Congregationi aggregatis, ut præfertur, qui cum deputatione, seu consensu superioris dictæ Congregationis eorum Directoris, Missionibus operam dederint, ad audiendas Christianifidelium Confessiones ab ordinariis locorum approbatis, facultatem absolvendi quoscumque Christianifideles, eorum Confessionibus diligenter auditis, a quibuscumque peccatis, delictis, & excessibus, etiam in casibus Sedi Apostolicæ reservatis in foro conscientie tantum, exceptis tamen casibus contentis in literis die Cænæ Domini legi solitis, ac solummodo in locis, ad quæ iidem Presbyteri per Ordinarios fuerint ad exercendas Missiones specialiter evocati, & ubi non erunt Missionarii Congregationis venerabilium fratrum nostrorum S. R. E. Cardinalium negotiis Propagandæ fidei præpositorum, ac injuncta pro modo culpæ pœnitentia salutari, aliisque, quæ fuerint injungenda, auctoritate Apostolica tenore præsentium concedimus.

§. 2. Præterea de omnipotentis Dei misericordia, ac beatorum Petri & Pauli Apostolorum ejus auctoritate confisi, omnibus, & singulis presbyteris, tam dictæ Congregationis, quam illi aggregatis prædictis, & aliis mittendis ubi tamen non erunt Missionarii supra dictæ Congregationis de Propaganda fide, & aliis utriusque sexus Christianifidelibus, ad quos ipsi mittendi accesserint, nostram, & Apostolicam benedictionem per præsentem impertimur, nec non eisdem vere pœnitentibus, & confessis, ac sacra Communionem refectis, qui pro sanctæ Romanæ Ecclesiæ prædictæ exaltatione, Principum Christianorum unione, Infidelium conversione, hæresum extirpatione, prout unicuique suggeret devotio piæ ad Deum preces effuderint, plenariam omnium peccatorum suorum Indulgentiam, & remissionem pro unica vice tantum, & in actu prædictæ missionis, auctoritate, & tenore prædictis concedimus, & elargimur. Hortantes Venerabiles Fratres Patriarchas, Primates, Archiepiscopos, Episcopos, & alios Ecclesiarum Prælatos, Rectores, ac verbi Dei Prædicatores, ut in suis quisque Ecclesiis, cum Populus frequentior fuerit, præsentem literas, & omnia in eis contenta publicent, & publicari faciant, ac omnem eisdem Presbyteris, & aliis favorem, & auxilium in præmissis præsent. Præsentibus ad septennium tantum valituris.

§. 3. Volumus autem, ut præsentium transumptis, etiam impressis manu alicujus Notarii publici, seu dictæ Congregationis Missionis Secretarii subscriptis, & sigillo personæ in Ecclesiastica dignitate constitutæ, seu ejusdem Congregationis munitis, eadem prorsus fides habeatur, quæ præsentibus adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die V. Octobris MDCXC. Pontificatus nostri anno Primo.

Confirmatur Decretum Card. Protectoris super controversiis de residentia Generalis, loco Capitulum, aliisque inter Generalem, & quosdam Religiosos Ord. B. Joan. Dei Congregationis Hispaniæ.

Confirmata suere Decreta cujusdam Capituli intermedii ab Inn. XI. Constit. 1686. Aug. 17. P. 10. Et a Clem. XI. revocata Conventualitates Constit. ed. 1673. Maji 10. P. 3.

ALEXANDER PAPA VIII.

Ad futuram rei memoriam.

Nuper pro parte dilectorum filiorum Moderni Superioris Generalis Congregationis Hispaniæ Ordinis Beati Joannis Dei, ac Francisci Pretell, & Francisci Alvarez de Azevedo fratrum expresse professorum Provinciarum Castellæ, & Portugalliæ dictæ Congregationis, Nobis expositum fuit, quod cum alias nonnullæ controversiæ inter eundem Superiorem Generalem ex una, ac dictos Franciscum de Pretell, & Franciscum Alvarez de Azevedo, tam proprio, quam procuratorio nomine dilectorum pariter filiorum Petri Fernandez de Ayllon, Hieronymi Bacherii, & aliorum Fratrum dictæ Congregationis ex altera partibus de, & super loco Residentiæ ejusdem Superioris Generalis, necnon convocacione, seu celebratione Capitulum Generalium, & intermediorum dictæ Congregationis, ac privatione, seu suspensione supradicti Petri ab officio Secretariatus Congregationis prædictæ, rebusque aliis latius in processu causæ deductis exortæ essent; nos negotium hujusmodi remisimus ad dilectum filium nostrum Gasparem S. R. E. Presbyterum Cardinalem Carpineum nuncupatum Ordinis præfati apud Nos, & Sedem Apostolicam Protectorem, ut controversias prædictas jam pridem in Congregatione Ven. Fratrum nostrorum ejusdem S. R. E. Cardinalium negotiis, & consultationibus Episcoporum, & Regularium præposita vertentes decideret, eisque debitum finem imponeret. Unde idem Gaspar Cardinalis, & Protector, cum pluries, & voce, & scriptis utramque partem coram se acceperit, audivisset, visis subinde, & consideratis dicti Ordinis Constitutionibus, documentis publicis, totoque processu causæ, & Casuum in partibus factis, aliisque omnibus necessariis, & opportunis mature perpensis, decretum edidit tenoris, qui sequitur, videlicet.

§. 1. Gaspar Tit. S. Mariæ Transyberim Sanctæ R. E. Presbyter Cardinalis Carpineus SS. D. N. Papæ Vicarius Generalis, & Ordinis B. Joannis Dei apud Sanctam Sedem Protector. Cum Sanctissimus D. Noster Alexander PP. VIII. peculiari ejus rescripto coram Nobis exhibito dignatus fuerit arbitrio nostro benigne committere, ut controversias omnes jam pridem in Sacra Congregatione Emorum, & Rmorum DD. Sanctæ R. E. Cardinalium negotiis, & consultationibus Episcoporum, & Regularium præposita verten. inter Fratres Franciscum Pretell, & Franciscum Alvarez Azevedo Ord. B. Joannis Dei in Regnis Hispaniarum, tam nomine proprio, quam procuratorio Fratrum Petri Fernandez de Ayllon, Hieronymi Bacherii, & aliorum in supplicii Libello SS. D. N. porrecto enunciatorum ex una, ac P. Fr. Emmanuelem de Erre Procurorem Generalem dicti Ordinis Regni Hispaniarum in Romana Curia existentem partibus ex altera de, & super residentia ejusdem P. Generalis convocacione, seu celebratione Capitulum Generalium, & intermediorum, nec non Inquisitione, & respectu condemnatione supradicti P. Fr. Petri Fernandez de Ayllon ob causas, de quibus in Processu desuper confecto, & nobis exhibito, rebusque aliis coram Nobis latius deductis decideremus, ac debitum finem hinc litibus, & controversiis imponeremus; Cumque ad hæc peragenda, atque definienda pluries, & voce, & scriptis utramque partem co-

Dat. 7. Oct. 1690. An. 1.

Decisio dictæ Controversiarum commissa fuit Card. Protectori.

Decretum d. Cardinalis.

Species facti.



ram Nobis acceritam audiverimus, & deinde visis, & consideratis Ordinis prædicti Constitutionibus, documentis publicis, totoque Processu causæ, & causarum in Partibus facti, aliisque omnibus necessariis, & opportunis, visis videndis, & mature perpenfis tandem ad omnium harum controversiarum terminationem vigore præsentis nostri Decreti distincte devenire ut infra statuimus. Auctoritate igitur ab eodem S<sup>mo</sup> D. N. Nobis attributa volumus atque decernimus, ut in posterum tam P. Fr. Joannes de Cobaleda præsens Generalis, quam omnes, & singuli futuri, & pro tempore existentes Generales suam residentiam facere teneantur in Conventu, Domino, seu Hospitali designando in futuro proximo Capitulo Generali suo tempore celebrando, cujus arbitrio, atque declarationi, totalem hujus rei terminationem remittere intendimus, prout præsentis Decreto remittimus. Hortamur tamen, & in D. admonemus omnes, & singulos vocales, ad quos spectabit d. Capitulo interesse; ut circa hanc designationem loci, seu Conventus, & Hospitalis id statuatur quod pro bono pacis, ac Religionis utilitate, & incremento expediens esse censuerint, & interim pro eo tempore decurrendo usque ad primum Capitulum futurum Generale injungimus P. Fr. Joanni de Cobaleda moderno Generali, ut ipse una cum tota sua Curia residere teneatur in Conventu, vel Hospitali Matriti, prout ibi residere mandamus.

De residentia  
Generalis.De loco celebrationis  
Capitulum.

§. 2. Item circa celebrationem Capitulum Generalium, & intermediorum pari nostro perpetuo valituro Decreto præcipimus in futurum servandas esse Constitutiones Ordinis in Capitulo 16., & 39. hoc est semper, & in perpetuum prædicta Capitula celebranda esse in loco, Conventu, seu Hospitali a Patre Generale Ordinis, ejusque Diffinitorio pro tempore existente designando, quavis asserta consuetudine in contrarium non obstante, prout etiam in Congregatione Episcoporum, & Regularium sub die 17. Martii 1689. resolutum fuit. Proindeque modo incipiendo a Capitulo intermedio, ut infra celebrando præsentis Decreti tenore, ac virtute Sanctæ Obedientiæ, & sub pœnis inferius exprimentis injungimus, & mandamus eidem P. Fr. Joanni de Cobaleda, ut nulla habita ratione alterius cujuscumque convocationis, sive a se, sive ab aliis quacumque auctoritate, superioritate, & jurisdictione munitis forsân anno proxime elapso facti, quas tanquam pro non factis haberi, & nullius roboris, ac momenti esse volumus, atque mandamus, statim visis præsentibus se conferat ad Conventum, seu Hospitali in Civitatem Cordubæ, ibique convocet omnes, & singulos Patres, seu Fratres, ex quibus Diffinitorium juxta Constitutiones Ordinis componitur, ad effectum, ut ad tenorem dictarum Constitutionum ipse Pater Generalis cum suo Diffinitorio pro celebratione futuri Capituli intermedii determinet, seu assignet locum illum, sive Conventum, vel Hospitali, quod magis commodum, utile, aut necessarium pro rebus Religionis agendis, atque determinandis eidem Diffinitorio videbitur; quatenus vero vel temporis angustia, vel motus in Religione exorti, & diffidia ad aures nostras cum maximi animi nostri admiratione perventa non permetterent, ut d. Convocatio Diffinitorii in Conventu, vel Hospitali Cordubensi, ut supra peragi posset, tunc ad illos, seu illa sedanda prout decet, & nos omnino exoptamus, atque præcipimus pro hac vice d. proximum futurum Capitulum intermedium celebretur in Conventu, seu Hospitali Matritensi, prout ibi, ac non alibi illud celebrari mandamus, ex hac tamen provisione non intendimus auctoritati, ac facultati d. P. Generali, & Diffinitorio competenti, nec in minimo quo ad hoc præjudicari in posterum unquam, sed eam

semper salvam, & intactam remanere, si vero dicti loci, Conventus, sive Hospitalis determinationi, vel designationi commode fieri valeat pariter eidem Patri Generali præcipimus, ut novas literas convocatorias pro celebratione d. Capituli intermedii quod sub die 3. Mensis Maji proxime futuri in loco, ut supra designando, vel in Conventu, sive Hospitali Matriten. quoties Diffinitorium, prout supra convocari nequeat, fieri mandamus, expediat, & sub pœnis arbitrio ejusdem Patris Generalis omnes, & singulos vocales, qui debent, & possunt commode interesse celebrationi hujus Capituli convocet, ut omnes debito tempore valeant in unum convenire.

§. 3. Sicut autem in iisdem Constitutionibus Ordinis Cap. 39. statuitur Electiones Provincialium, Priorum, aliorumque Officialium faciendas esse in Capitulo intermedio, & ejus officium per triennium durare, ac respective absolvere tempore Capitali Generali, ita tamen committimus, & mandamus servandam esse pariter dispositionem Constitutionum, & ad earum præscriptum eligi novos Provinciales, Priores, & Officiales in hoc Capitulo intermedio celebrando, illorumque Provincialatus, Prioratus, & officia terminare debere in proximo Capitulo Generali, perinde ac si fuissent suo tempore electi; ita tamen ut ipsi Provinciales, Priores, & Officiales gaudent, & potiri debeant omnibus Juribus, prærogativis, & præminentis, ac haberi, & reputari debere, ac si integro triennio Provincialatus, & officia exercuissent in eis que extitissent, etiam respectu intermedie vacationis de qua fit mentio in d. Capitulo 39. Constitutionum Ordinis.

De electione  
Officialium.

§. 4. Præterea ad tollendas omnes dubiorum Causas, atque occasiones declaramus omnes Priores, aliosque habentes vocem in Capitulo intermedio juxta tenorem earumdem Constitutionum in d. Cap. 39., & Cap. 25. interesse debere, ac vocem in anedicto proximo intermedio Capitulo habere, etiam si elapsam sit tempus triennale eorum Officii, & Capitulum intermedium tempore a Constitutionibus Ordinis præscripto celebratum non fuerit.

De Vocalibus.

§. 5. Quoniam autem, ut præfertur P. Joannes de Cobaleda Generalis, fuit ex commissione Tribunalis nunciaturæ publice excommunicatus, privatus voce activa, & passiva, & in alias pœnas condemnatus, propterea ad omnem bonum finem, & cautelam, ipsum P. Generalem absolvendum fore, & esse duximus, prout præsentis Decreti tenore ad cautelam ab excommunicatione forsân incurfa ex supradictis facultatibus Nobis ut supra attributis absolvimus, & liberamus, atque eidem ab omnibus, & quibuscumque aliis pœnis irrogatis, vel comminatis liberamus, & absolven. fore, & esse, atque etiam a privatione vocis activæ, & passivæ, prout absolvimus, & liberamus, ac proinde eundem Patrem Generalem quatenus opus sit esse in pristinum restituendum, ipsumque continuare debere, seu manutenen. esse in dignitate, & munere Generalatus exercitio totali suæ auctoritatis, & jurisdictionis, necnon jure vocis activæ, & passivæ omnibus, & quibuscumque aliis præminentis, & prærogativis, prout in pristinum quatenus opus sit restituimus, & manutenemus, ac amplius pro hac causa, seu occasione hujus causæ non esse molestandum, prout amplius non molestari mandamus.

Absolutio  
Generalis a  
censuris, &  
pœnis.

§. 6. Quo vero ad P. Fr. Petrum Fernandez de Ayllon Secretarium Religionis, dicimus privationem, seu suspensionem ab officio Secretariatus a P. Generali, vel ejus Delegato demandatam, sive ab alio quocumque Judice, etiam Tribunalis nunciaturæ factam, ac similem privationem vocis activæ, & passivæ, necnon pœnam

Redintegratio  
Patris Secretarii.



relegationis, & carcerationis, aliasque pœnas de quibus in Sententia, seu processu non sustineri, & proinde dicimus, & declaramus, illas omnes, & singulas revocandas esse, prout revocamus, & abolemus. Procedentes tamen ex integro, & ex auctoritate Nobis demandata decernimus P. Fr. Petrum Fernandez, ex quo factis luit ob carcerationem, & diurnam suspensionem ab ipso passam absolvendum, & liberandum esse, prout absolvimus, & liberamus, ac in Officio Secretariatus, illiusque exercitio, voce activa, & passiva, omnibusque aliis honoribus, & prægrogativis manutenendum, seu quatenus opus sit reintegrandum fore, & esse, prout manutene- mus, & quatenus opus sit reintegramus, & pro hac causa, pro qua a P. Generali inquisitus, & condemnatus fuit amplius molestandum non esse, prout non molestari mandamus, & de, & super præmissis perpetuum silentium imponendum fore, & esse, prout imponimus. Admonemus ta- men, atque præcipimus P. Fr. Petro Fernandez, ut in posterum sub quovis prætextu, vel quæs- sito colore a lusu alearum, & Taxillorum om- nino se absteat, sub pœna privationis officii, vocis activæ, & passivæ, omniumque aliorum honorum, præminentiarum, & prærogativa- rum, & sub pœnis carcerationis, aliisque gra- vioribus arbitrio nostro.

§. 7. Et ita in omnibus servari volumus, & mandamus, quibuscumque in contrarium non obstantibus, atque stricte P. Joanni de Cabaleda Generali, omnibusque aliis, & singulis ad quos spectat, injungimus, atque mandamus, ut sta- tim visis præsentibus parere debeant, & hoc no- strum decretum executioni demandare, & in actis Capituli intermedii registrare sub pœnis contrafacientibus privationis Dignitarum, & officiorum vocis activæ, & passivæ, & perpetuæ inhabilitatis ad illas, seu illa, nullitatis omnium, & singulorum actorum, etiam excommunicatio- nis, aliisque pœnis arbitrio nostro incurrendis, ad quas irremissibiliter contra inobedientes sta- tim habita notitia inobedientiæ, & procedemus. Datum Romæ ex ædibus nostris hac die 2. Fe- bruarii 1690. G. Cardinalis Carpineus Vicarius, & Protector, & Judex deputatus.

§. 8. Cum autem sicut eadem expositio sub- jungebat Decretum hujusmodi a memorato Gas- pare Cardinale Protectore editum ab utraque parte unanimi consensu acceptatum fuerit, ac propterea iidem Exponentes illud quo firmius subsistat, & fervetur exactius Apostolicæ confir- mationis nostræ patrocinio communiti summo- nere desiderent, Nos specialem ipsis exponenti- bus gratiam facere volentes, & eorum singula- res personas a quibusvis excommunicationis, sus- pensionis, & interdicti, aliisque Ecclesiasticis Sen- tentiis, Censuris, & pœnis a jure, vel ab homine quavis occasione, vel causa latis, si quibus quo- modolibet innodata existunt ad effectum præ- sentium dumtaxat consequendum harum serie absolventes, & absolutas fore censentes, sup- plicationibus eorum nomine Nobis super hoc humiliter porrectis inclinati, præinsertum me- morati Gasparis Cardinalis, & Protectoris De- cretum cum omnibus, & singulis in eis conten- tis, auctoritate Apostolica tenore præsentium confirmamus, & approbamus, illisque inviolabi- lis Apostolicæ firmitatis robor adjicimus, ac om- nes, & singulos juris, & facti defectus, si qui de- super quomodolibet intervenerint supplemus.

§. 9. Decernentes easdem præsentem literas semper firmas, validas, & efficaces existere, & fore, suosque plenarios, & integros effectus for- tiri, & obtinere, ac illis ad quos spectat, & pro tempore spectabit plenissime suffragari, & ab eis respective inviolabiliter observari: Sicque in præ- missis per quoscumque Judices Ordinarios, & delegatos, etiam causerum Palatii Apostolici Au-

ditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit at- tentari.

§. 10. Non obstantibus præmissis, ac Constitu- tionibus, & Ordinationibus Apostolicis, nec non quatenus opus sit Provinciarum, Congregationis, & Ordinis præfatorum etiam juramento, confir- matione Apostolica, vel quavis firmitate alia ro- boratis statutis, & consuetudinibus; privilegiis quoque, Indultis, & literis Apostolicis in con- trarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene & sufficienter expressis, ac de verbo ad verbum insertis habentes, illis alias in suo robore per- mansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 11. Volumus autem, ut earundem præ- sentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica di- gnitate constitutæ munitis, eadem prorsus fides in judicio, & extra illud habeatur, quæ ipsis præsentibus haberetur si forent exhibitæ, vel ostensa.

Datum Romæ apud S. Mariam Majorem sub annulo Piscatoris die VII. Octobris MDCXC. Pontificatus Nostri Anno primo.

Executio prædictorum omnium.

Preces am- barum par- tium.

Confirmatio relati De- creti.

Clausulæ.

Confirmantur Constitutiones Monachorum Sil- vestrinorum.

*Nonnullæ aliæ Constitutiones approbatæ fuerunt ab Inn. XI. Const. ed. 1683., Jan. 15., P. 7. Et a Clem. XI. confirmatum fuit quoddam Decretum Congreg. Gen. Const. ed. 1720., Maji 20., P. 20.*

ALEXANDER PAPA VIII.

*Ad perpetuam rei memoriam.*

Pastoris æterni vices licet immeriti gerentes in Terris, ea, quæ pro felici Religiosorum Virorum Altissimi obsequiis sub laudabili vitæ monasticæ Instituto mancipatorum regimine, & in via mandatorum Domini directione provide salubriterque constituta esse noscuntur, ut firma semper, atque illibata persistant, Apostolici muniminis, cum id a Nobis petitur, præsidio liben- ter constabilimus.

§. 1. Exponi siquidem nobis nuper fecerunt dilecti Filii Abbas Salvaror Salvator Procurator Generalis Congregat. Monachorum Silvestrino- rum nuncupatorum Ordinis Sancti Benedicti, & Joannes Mathæus Felicianus Monachus expresse professus, ac de præsentem Abbas Monasterii Sancti Stephani de Cacco nuncupati de Urbe dictæ Congregationis, quod cum alias ad Regulæ ejus- dem Sancti Benedicti præscriptum, nec non juxta antiquorum ipsius Congregationis statutorum va- riarum literarum Apostolicarum quarundam S. R. E. Cardinalium Congregationum Decreto- rum, ac Capitulorum Generalium ipsius Congre- gationis dispositionem compilatæ fuissent non- nullæ Constitutiones, Vocales dictæ Congrega- tionis in eorum Capitulo Generali mense Junio 1688. celebrato concorditer, & nemine illo- rum discrepante per vota secreta approbarunt, & propria subscriptione firmarunt easdem Con- stitutiones, tenoris, qui sequitur, videlicet:

PRIMA DISTINZIONE.

<i>Dell' Offizio Divino.</i>	Cap. 1.
<i>Del Capitolo quotidiano.</i>	Cap. 2.
<i>Della Disciplina Comune.</i>	Cap. 3.

XXII.

Dat. 15. Oct.  
1690. An. 1.

Exordium.

Hæ Consti- tutiones ap- probatæ fue- runt in Ca- pitulo Gen. 1686.